

## Kominike

Bank Republik Ayiti (BRH) ap fè nou konnen Sistèm Pèman Ant bank Ayisyen yo (**SPIH**) ak Pwosèsè Nasyonal Pèman (**PRONAP**) ap swiv yon evolisyon ki rasiran depi apre pwoblèm teknik ki te deranje operasyon finansyè yo.

Li enpòtan pou nou konnen deranjman sa a pa gen okenn risk sou lajan kliyan yo depoze nan sistèm finansye a. Sepandan, disponibilite depo ki fèt sou kont yo pa chèk, ap genyen yon novo delè tanporè pou lajan sa disponib sou kont lan:

- **5 jou ouvrab nan zòn metropolitèn lan;**
- **10 jou ouvrab nan vil pwovens yo.**

Pandan tan sa, sèvis pèman pa chèk nan gichè BRH yo toujou opèrasyonèl tankou nou te konn fè sa epi sit entènèt (**www.brh.ht**) enstitisyon an ap fonksyone nòmalman.

BRH ap raple ke tranzaksyon entènasyonal yo (òd viman ki soti nan lòt peyi pou rive Ayiti oswa nan sans opoze a) atravè sistèm SWIFT yo ap ekzekite san okenn entèripsyon.

BRH ap asire tout moun li ap kontinye travay pou tout operasyon yo reprann kòm sa dwa nan enstitisyon finansyè yo epi li ap toujou bay publik la enfòmasyon sou evolisyon sitiyasyon an.

Pòtoprens, 19 jen 2023

**Banque de la République d'Haïti**